

Fol. 12 r.

- Con alfonffo mýo sennoz non querria lidiar».
Lo que dix o el çid a todos los otros plaz.
540 Del castiello que prifieron todos ricos se parten;
Los mozos , las mozas bendiziendol estan.
Vanffe fenares arriba quanto pueden¹ andar,
Troçen las alcarias , yúan adelant,
Poz las cuevas danquita ellos passando uan,
545 Passaron las aguas, entraron al campo de tozançio,
Poz effas tierras ayuso quanto pueden andar.
Entre fariza¹ , çetina mýo çid yua albergar.
Grandes son las gananças que¹ prifo poz la tierra do ua.
Non lo saben los mozos el ardiment¹ que an.
550 Otro dia mouios mýo çid el de biuar,
E passó aalfama¹, la foz ayuso ua,
Passó abouierca , ateca que es adelant,
E fobre alçoçer mýo çid yua posar,
En vn otero¹ Redondo, fuerte , grand;
555 Açerca corre falon, agua nol puedenç vedar.
Mio çid don Rodrigo alçoçer cueda ganar.
Bien puebla el otero, firme prende las posadas,
Los vnos contra la fierra , los otros contra la agua¹.
El buen canpeadoz que en buen oza nascó,
560 Derredoz del otero, bien çerca del agua¹,

Notas paleográficas

[Anterior](#)

[Volver al índice](#)

[Siguiete](#)